



UNIVERSITÄTS-
BIBLIOTHEK
PADERBORN

Quæstiones Canonicæ De Decimis

Friderich, Melchior

Ingolstadii, 17010 [i.e. 1710]

Quæstio VIII. Quis ex prædio locato teneatur solvere Decimas, Locator, an
Conductor.

[urn:nbn:de:hbz:466:1-61677](https://nbn-resolving.de/urn:nbn:de:hbz:466:1-61677)

facit communia, & qui ex illa alienū, vel accipit, vel retinet, non tam de alieno, quam de proprio disponit. Verū tamen esse existimamus, etiā illum, qui non extrema necessitate pressus, inopiā suā pastoribus Ecclesia probatā ad solvendum com-

pulsus non est, debito prorsus liberari: censendi enim illi sunt donationem fecisse: si enim dilationem tantum concedere voluissent, id expressissent. Ex haec tenus dictis abunde patet responsio ad rationes in contrarium.

QUÆSTIO VIII.

*Quis ex prædio locato teneatur solvere decimas,
Locator, an Conduktor?*

S U M M A R I U M.

- 116. Varij modi locandi prædia.
- 117. Si Colonus est partiarium, sicut tam ipse, quam locator.
- 118. Vel ex fructibus nondum divisis vel post hos divisos quivis ex sua parte.
- 119. Si pro certa pensione locatus est fundus, solvit solus colonus; sicut & emphyteuta.
- 120. Occurritur objectioni.
- 121. Ex sua pensione locator ad nisi-
- hil tenetur.
- 122. Solus fundi dominus tenetur, si pro certa mercede conduxit coloni operam.
- 123. Tenetur quidem iste ex sua mercede ad decimas personales.
- 124. Ferè tamen excusat.
- 125. Exempto domino etiam colonus eximitur.
- 126. Dummodo privilegium domini sit reale.

Dominus an Colonus ad decimas prædiale obligetur, valde ambiguum esse videtur propter iura inter se (ut quidem apparet) pugnantia. Nam solum colonum obligari, sumitur ex c. g. b. t. ubi quibusdam Religiosis præcipitur, ut de possessionibus ad firmam acceptis, seu conductis, plenariè solvant decimas: nec fit mentio de domino locante. Solius coloni meminit etiam Clem. i. eod. Econtrario solus locator videtur obligari c. li-

cet 11. eod ibi: non est licitum vobis decimas de terris vestris subtrahere, quas alii traditis excolendas. Utterque vero oneri decimarum subiicitur c. à nobis eod. ibi: respondemus, quod à dantibus, & recipientibus p. ssiones ad firmam, de fructibus, quos percipiunt, decimas sunt solvenda. Et c. tua 26. eod. dicitur: sicut colonus de parte fructuum, quæsib' remanet ratione cultura: sic & dominus de portione, quam percipit ratione terra, deci-

manus

mam reddere sine diminutione tenetur. Ut hæc jura antinomiam non contineant (uti revera non continent) varij modi, quibus prædia elocari soleat, distinguendi sunt. Nam I. locari possunt eā lege, ut dominus à colono accipiat dimidiā, vel tertiam fructuum partem. Et tunc colonus dicitur Partiarius, eo quod partiatur fructus cum domino locante, seu partem unam, aut plures illorum percipiat. II. Conducitur quandoq; solum opera coloni pro mercede, vel in pecunia, vel in fructib; solvenda: quo casu solvi merces operæ debet, etiā si ex aliquo infortunio, & absq; coloni culpa nihil fructuum proveniat. III. Quandoque fundus conceditur sub censu annuo pendendo in certa quantitate, vel pecunia, vel fructuum. Quæ concessio Emphyteusis est, si præter annuam præstationē ad meliorationes tenetur colonus; si servitutem fundo, vel jus servituti in effectu simile imponere fundo potest; si canon solvitur in recognitionem dominij directi &c.

117 Assert. I. Si colonus est partiarius, seu mediarius, ita vid. ut pars dimidia, vel tertia, fructuum debatur domino, ad decimas teneatur tam conductor, quam locator; quilibet pro rata fructuum, quos percipit. Patet ex cit. c. 24. & c. 26. b. t. & tradunt ibi Gloff. Panorm. n. 14. & in C. Cum sint. b. t. n. 5. & 6. ac passim alij. Ratio est: quia hac locandi ratione initur quædam so-

cietas, & utriusque sunt fructus. Unde, cùm quilibet ex suis fructibus obligetur ad solvendas decimas, consequens est, utrumque debere solvere; nisi aliud in paclum deducatum sit vel consuetudinereceptum.

Duplex porro modus est ex his 111 fructibus dandi decimas. Primus, isque optimus, ac usitatus, si ex fructibus nondum divisis decimas separantur, & his separatis ex reliquo cumulo sua cujque pars tribuantur: & tunc neuter ex hac parte ad quidquam amplius tenetur, quia ex ijsdem fructibus decimas bis non debetur. Sed neque ad personales decimas postea tenentur: hæc enim debentur ex lucris personæ. At verò fructus isti non sunt lucra personæ, sed prædijs proventus: decimas autem ex prædijs sunt reales, & hæc jam sunt soluta. Alter modus est, ut prius integrū cumulum fructuum inter se pro rata dividant, & postea quilibet de suo decimas separatim solvat.

Assert. II. Si locatus est fundus 119 pro certa pensione, v. g. ut solvat colonus domino quotannis sex tritici medimnos, decimas solvere debet solus colonus. Ita post Innoc. Hostiens. & Gloff. l. c. Panorm. ll. c. Moneta c. 6. n. 40. & 42. Azor p. 1. l. 7. c. 24. q. 4. Canis. c. 4. n. 2. Zoef. b. t. n. 62. Pirrhing. b. t. n. 48. aliisque communiter, sicque intelligendum est c. 8. b. t. Clem. 1. cod. Ratio est: quia onus decimarum est annexum fructibus. c. 28. & 33. b. t. cum

cum ergo in tali casu colonus omnes fructus faciat suos, consequens est, quod cum illis in ipsum transfeat etiam onus decimatarum. Idem dicendum est de Emphyteuta: tenetur enim solus decimas integras solvere, nihil verò Dominus directus, ut mox dicemus.

¹²⁰ Dices, hac ratione colonum nimium gravari. Etiam si enim omnes fructus faciat suos, tenetur tamen inde solvere certam quantitatem vel pecunia, vel fructuum: ergo re ipsa idem est, ac si aliqua pars fructuum immediate cederet ipsi domino; & sic non videtur esse aliquid discrimen inter hunc casum, & illum alterum ^{n.} 117. propositum. Ergo sicut in illo dominus fundi tenetur pro rata solvere decimas, ita pariter in isto tenetur solvere pro rata mercedis. R. non gravari nimium: quia etsi solus sustineat onus decimatarum, minuitur tamen propter illud pensio solvenda, quæ utique maior imponeretur, si dividuum esset onus decimatarum inter ipsum & locatorem: ponitur enim, justam esse mercedem locationis, tametsi onus illud conductori incumbat, id est, impositam esse non tantam, quæ correspondeat decem partibus fructuum, sed eam solum, quæ corresponeat novem partibus, quæ remanent colono.

¹²¹ Affert. III. Locator in casu modo dicto non tenetur ad decimas. Ita cum Hostiens. Joan. And. Jnnoc. & Panorm. sentiunt Gloss. *inc. tua*

nobis. Suar. c. 35. n. 14. Zoef. b.t. n. 24. contra Abulensem in c. 23. Math. q. 204. qui existimat, locatorem teneri ad decimas ex pensione: quia, ut ait, est lucrum ipsi accrescens, & ex omni lucro debetur decima. Cum Abul. sentiunt Gloss. l. c. & Moneta cit. c. 6. n. 40. in fin. Verum assertio nostra omnino tendenda esse videtur. Si enim teneatur ad decimas, tunc vel ad prædiales, vel ad personales? Non ad prædiales: haec enim ex toto fructuum cumulo solvuntur à conductore, & sic illa pensio, quæ locatori datur, jam est decimata à colono: neque ex eadem re decimæ bis debentur. Non ad personales: partim quia illa pensio, quamvis fortè fiat in pecunia, non est lucrum ex industria personæ, sed proventus ex fundo: partim quia locator ex illa dat decimas per colonum, dum propter annexum earum onus exigit minorem pensionem, eamque dun taxat, quæ correspondet novem partibus penes conductorem remenantibus. Unde si & ipse ad decimas teneretur, illæ ex eodem proventibus solverentur.

Assert. IV. Si pretio conducta est ¹²² opera coloni, nim. ut fundum collat pro certa vel summa pecunia, vel quantitate fructuum, solus fundi dominus ad decimas obligatur. Est hæc sententia Panorm. *inc. tua nobis b.t. n. 14. Moneta c. 6. n. 40. Azor. l.c. aliorumque communis. Constat ex c. 22. & c. 33. b.t. Ec*

H de

de hoc casu procedit c. 11. eod. ubi solus locator videtur obligari ad decimas. Ratio patet ex dictis n. 119: quia is debet decimas, cuius sunt integri fructus: atqui fructus omnes in tali casu sunt locatoris. Neque refert, quod non omnes apud ipsum remaneant, eò quod certam eorum partem, vel pecuniā, colono pro mercede solvere tenetur. Non, inquam, hoc obstat quia re verā omnes fructus suos facit & quē ac agricola, qui suis manibus fundum colit. Unde sicut iste ¹¹⁴ juxta cit. c. 22. & 33. solvere teneatur integras decimas, non deducit prius expensis, ita pariter locator tenetur integras solvere, antequam deducat mercedem colono debitam. Neque in tali casu dominus fundi, si propriè loquamur, locator est, sed conductor: conductit enim coloni operam, sicut agricola mesorum, diciturque prædium colere suis sumptibus, ac manibus, tametsi colat per alium: ut patet ex c. 27. 28. & 29. b. t. Isque, qui fundum sic colit, propriè colonus non dicitur, sed mercenarius.

623

Assert. V. Colonus in casu modo dicto, quando vid. suam operam fundo colendo pro certa pecuniā, vel fructuum quantitate locat, tenetur ex sua mercede decimas personales, sicuti in usu sunt, solvere. Ita Joan. Andr. in c. cum sint b. t. Pannorm. l. c. n. 15. Abulens. cit. q. 204. Suar. l. c. n. 13. & 14. Moneta l. c. n. 42. Ratio est: quia merces, quam

accipit, non est fructus fundi, sed lucrum ex propria industria; unde ex illo ad decimam personalem, non minùs quam alij mercenarij, ac famuli ex sua mercede, aut negotiator ex suo lucro, deductis tamen, ut infra dicemus, prius expensis, & in his compūando suum labore, quantum vid. iste valet juxta communem estimationem.

Dices: Dominus fundi juxta dicta n. 121. ad nihil tenetur, si illum locavit pro certa mercede sibi solvenda: quia integras decimas solvit colonus. Ergo vicissim in isto casu ad nihil tenetur colonus, quia integras decimas solvit dominus. R. non esse paritatem: nam in illo priore casu canon, quem accipit à colono, vel emphyteuta dominus, non est merces operæ, ac lucrum personæ, sed fructus fundi; ex fundo autem solus colonus, ac emphyteuta integras decimas solvit, estq; proinde liber dominus. Merces è contrario, quam pro fundo colendo accipit colonus, est lucrum industria: ex lucris autem de jure communi debentur decimæ personales. Neque obstat, si forte non pecunia constituantur, sed certa pars fructuum; nam hi substituuntur loco pecunia. Ordinariè tamen ad nihil tenetur, tum quod decimæ personales ferè in desuetudinem abierunt; tum & vel maximè, quia estimationem sui laboris detrahere potest, quā detractione facta ferè nihil residuum lucrierit, cùm opera, & labor

labor ordinariè perfectè respon-deat mercedi, & hæc illum raro ex-cedat, ac sçpè sit minor. Putat Suar. l.c. in fine, hujusmodi colonum ex eo quoque capite excusari posse, quod censeatur esse quasi usufru-étarius, & habens dominium utile fundi, & consequenter mercedem, quam accipit, non tam lucrum esse personæ, quām fructum fundi. Cūm ergo decimæ ex fructibus fundi integræ persolvantur ab ipso domino, ad nihil tenebitur colonus.

¹²⁵ Assert. VI. Si dominus fundi ha-bet privilegiū reale exemptionis à decimarū solutione, neq; colonus ad decimas reales obligatur. Patet à sensu contrario ex Clem. I. b.t. & ibi tradunt Gloss. V. ad excolendas. An-char. n. 6. Card. n. 21. Henriq. in Summ. I. 7. c. 27. n. 8. Moneta c. 5. n. 2. Gonzal. in c. 4. b. t. n. 9. ac alij. Ratio est: quia privilegium reale de jure communi transit in colonum cum usufructu fundi, ut cum com-muni tradunt apud Henriq. I.c. lit.

K. Socinus jun. l. 2. consil. 268. col. 1. & consil. 296. n. 6. Panorm. in c. 1. b. t. n. 4. & l. I. consil. 9. dub. 2. Bonifac. de Vitalin. in clem. I. de Privil. n. 31. Huiusmodi privile-gium reale concederunt Societati JESU Paulus III. Pius IV. & Greg. XIII. Qui ultimus expresse dero-gavit capitulo 34. b.t.

Diximus: si dominus habet pri-

vilegium reale. Personale enim, cūm inhæreat ossibus personæ, utiq; ad alios non transit. Hinc quia quo-rundam Religiosorū privilegia, sal-tē olim, solūm erant personalia, id-circo præcipitur c. 11. b.t. ut de ter-ris, quas alijs tradunt colendas, de-cimæ solvantur. Utrūm verò pri-vilegium reale sit, colligendum est ex verbis rescripti, quæ si immedia-tè procedant de prædijs, non perso-nale, sed reale erit, ut benè obser-vat Franc. Leo p. 2. thes. for. Eccl. c. 12. n. 62. Verūm de his infrā fu-siùs,

QUÆSTIO IX.

An Posseffor fundi teneatur ad decimas ab antecessore
non solutas?

SUMMARIUM.

127. Difficultas questionis.

ad decimas à testatore non solu-tas.

128. Auctoritas pro obligatione
successoris.

133. Particularis ad nihil tenetur.

129. 130. 131. Rationes pro eadem.

134. 135. 136. Prima ratio asser-tionis.

132. Successor universalis tenetur

H2

137.